

uelationem quæ noctu ipsi secundum quietem apparuerat, ut cum Narcisso in ministerio Ecclesiæ fungendo coniungeretur, accersitus est.

Id. ibid. cap. 32.

Quo quidem (Alexandro) post præclarum & illustre testimonium fidei Christianæ præsidis tribunali datum, morte in carcere consopito, *Mazabanes* successor eius in Episcopatu Hierosolymitano declaratur.

Id. lib. 7. cap. 13.

Mazabane etiam vita defuncto, *Hymenæus*, qui multis annis nostro hoc æui curriculo magna cum laude vixit, Hierosolymitani Episcopatus sedem obtinuit.

Id. ibid. cap. 16.

Hierosolymorum Ecclesiæ ministerium post Hymenæum Episcopum, *Zambdas* capeffit. Paulo post isto mortuo, *Hermon* postremus eorum qui ante persecutionem nostra memoria ibi concitatum fuerunt Episcopi, in sede illa Apostolica ad hoc usque tempus reseruata, collocatus fuit.

Theodor. hist. Eccles. lib. 1. cap. 1.

Episcopatus vero Hierosolymorum, post Hermonem delatus fuit *Macario*, qui ob beatam viuendi rationem, & multiplicia bona quibus exornatus fuit, verè nomini suo respondit.

Id. lib. 2. cap. 27.

Primum autem Hierosolymorum, post Macarium obtinuit *Maximus*, vir ob certamina pro pietate suscepta egregiè nobilitatus.

Sozom. hist. Eccles. lib. 4. cap. 19.

Acacius & Prophilus, Maximo abdicato, rectionem Ecclesiæ Hierosolymitanæ *Cyrillo* deferunt.

Socrat. eiusd. hist. lib. 2. cap. 33. Id. ibid. cap. 35.

Cyrillus Hierosolymis abdicatur, & Cyrilli loco, *Erenius* Episcopus designatus est, cui *Heraclium* successisse constat: huic rursus *Hilarium*. Postea Cyrillus reuertitur Hierosolymam, illiusque Ecclesiæ Episcopatum recuperauit.

Theod. hist. Eccles. lib. 5. cap. 35.

Ecclesiæ Hierosolymitanæ Episcopatum gessit *Ioannes*, vir planè insignis successitque Cyrillo.

Id. ibid. cap. 37.

Post Ioannem illum admirabilem mortuum, *Praylius*, vir qui nomini suo pulchrè respondebat, illius Ecclesiæ rectionem capeffit.

Euagr. hist. Eccles. lib. 1. cap. 10. Id. ibid. lib. 2. cap. 18.

Huic successit *Iuuenalis*, qui Ephesinam antea rexerat Ecclesiam, interfuitque Concilio Chalcedonensi.

Id. ibid. cap. 6. Niceph. in Chronograph.

*Theodosius* Episcopus à quibusdam designatur Hierosolymorum, cum Iuuenalis Constantinopolim confugerat. Sed eo à Marciano eiecto, Iuuenalis iterum sedem capeffit.

Euagr. hist. Eccles. lib. 2. cap. 5. Niceph. ubi supra, Euagr. lib. 2. cap. 16.

*Anastasius* post Iuuenalem Episcopus Hierosolymorum fuit.

Post Anastasium *Martyrius* Episcopus Hierosolymæ fuit, qui ad Imperatorem litteras Synodales scripsit.

Id. lib. 4. cap. 36. Niceph. ubi supra.

Sedem Hierosolymitanam obtinet post Martyrium *Salustius*, cui successit *Helias*: & *Helix Ioannes* hunc *Petrus*, Petrum autem *Macarius* secutus est, Imperatore nondum ei suffragante, qui postea sede sua pulsus fuit. Nam ferebatur eum dogma Origenis tutatum. Cui in eo Episcopatu successit *Eustochius*.

Id. ibid. cap. 38.

Macarius ad propriam sedem restitutus fuit, & Hierosolymorum Episcopatum gubernauit.

Id. lib. 5. cap. 16.

Ad Episcopatus Hierosolymitani gradum post Macarium ascendit *Ioannes*, qui in Monasterio, quod *ἀρεσκίται* dicitur, vitam valdè inopem & austeram transegerat.

Id. lib. 6. cap. 23.

Idem denique Ioannes mortem obiit, & nemo adhuc ad illius Episcopatus gubernacula capeffenda designatus est.